

Kontuola

ANTZUOLA / Egubakoitza / 2001eko azaroaren 30a / 92. zenbakia

KOORDINATZAILEA: Aintzane Irizar • Barrenkalea, 33 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com

Abenduaren 14an bukatuko dituzte Olaran etxeako lanak Lantegi Eskolakoek

AINTZANE IRIZAR

Urtebete baino gehiago da Olaran etxea birgaitzeko lanak hasi zituztela. Arrasateko Lantegi Eskolako ikasleak aritu dira denbora guzti honetan Olaran birgaitzen, eta abenduaren 14an bukatuko dute euren lanarekin, ikasturte amaierarekin batera.

Behin Lantegi Eskolakoek euren lanarekin amaitzen dutenean, azken ukituak ematea besterik ez zaio faltako Olaran etxeari. Orduan, inauguratzeko moduan egongo da; otsailaren 5ean izango da hori, egun horretarako jarri dute inaugurazio eguna.

Hiru solairu dauzka Olaran etxeak. Lehendabiziko solairua Udalararen esku geratuko da, baina oraindik erabakitzeke daukate zertarako erabiliko duten. Gainerako solairuak, berriz, Deba-goieneko Mankomunitatearen esku geratuko dira.

ENPRESA BERRIEN EGOITZA

Horixe izango da Olaran etxea hilabete gutxi barru. Mankomunitateak enpresa ekimenean zentro bat kudeatzen du orain dela lau bat urtetik. Euren helburua, enpresa berriei edo sortzera doazenei, nolabait, laguntzea da. Horretarako, beharrezko dituzten lokalak ematen dizkie eta tasa baxuak kobratu. Zerbitzu enpresak edo enpresa industrialak izan daitezke Mankomunitatearen laguntza jasotzen duten enpre-



Behin Lantegi Eskolakoek euren lana bukatuta, azken ukituak besterik ez zaizkio faltako Olaran etxeari.

Datorren otsailaren 5ean egingo dute Olaran etxearren inaugurazio ekitaldia

sak. Antzuolako kasuan, zerbitzu enpresendako 11 bulego egongo dira Olaranen. Enpresa ekimenean zentroko arduradunen esanetan,

Mankomunitateak enpresa ekimene berriak dituztenei lokalak eskainiko - dizkie hantxe

datorren udaberrian bulego abian egotea espero dute. Horretarako, baina, eskaera eta proiektuak aurkeztu ahal izateko deial-

Arrasateko Lantegi Eskolako berrogei ikasle aritu dira Olaran etxea birgaitzen

dia egingo dute. Aurkezten direnen artean, beraz, 11 enpresek izango dute Olaranen egoitza izateko aukera.

IKASLEAK LANGILE

Olaran etxea Udalararena zen; due-la hamar urte baino gehiago, erai-kin horretan Kultura Etxea egiteko asmoa zuen Udalak, eta asmo hori baloratzeko proiektu bat ere egin zuten. Handik gutxira, baina, Guraso Elkartearen eraikina Udalararen esku geratu zen, eta azken hau Gizarte Etxea egiteko aukera hobe zela ikusi zuten. Horrela, Olaranerako proiektu berria egin zuten. Mankomunitateari aurkeztu zioten proiektua, Lantegi Eskolakoek egin zezaten. Mankomunitateak proiektua aztertu eta onartu egin zuten.

Horrela, izazko irailean hasi ziren Lantegi Eskolako ikasleak lanean. Zurgintza, elektrizitate eta igeltserotzako ikasketak egin dituzte Lantegi Eskolan. Lehendabiziko sei hilabeteetan eskolan bertan egiten dituzte ikasketak; gainerako 18 hilabeteak izan dituzte Olarango lanak egiteko. 40 ikasle aritu dira, guztira. Eraikinaren teilatua, fatxada eta egitura birgaitzeaz beste enpresa bat arduratu zen; gainerakoa ikasleek konpondu dute.

Lantegi Eskolaren helburua da langabezia dagoen jendeari lanbide bat irakastea. Normalean, ikasketa bariko gazteak izaten dira, bestelako ikasketetan ondo aritu ez direnak. Jende horri lanbide jakin bat irakatsi, eta etorkizunari begira, lanpostu bat lortzeko bidea irekitzea da lantegi eskolen betebeharra. INEMek eta Mankomunitateak finantzatzen dute eskola hori.


AITZ-GARBI



**taberna
jatetxea**

Pintxoak eta
kazuelatxoak.
Bazkariak eta afariak

Kalebarren 15. Tf. 943 78 70 51
ANTZUOLA



**MUEBLES
IGEA**

Sukalderako eta
bainurako altzariak
Altzari rustikoetan
espezializatuak

Zurrategi plaza 4, behea. ANTZUOLA. Tel. eta faxa 943 78 71 80

**MUJIKA
HARATEGIA**



**Berezitasunak:
Etxean hazitako
zekorak eta oilaskoak**

Kalebarren, 1.
ANTZUOLA
Tf. 943 76 64 34

TELEFONO JAKINGARRIAK

OSASUNA/LARRIALDIK

DYA	943 78 71 57
Gurutze Gornia	943 76 55 76
Medikua	943 76 62 23
Praktikantea	943 76 63 80
Udaltzaingoa	943 76 62 46
Ertzaintza	943 76 53 40

UDALA

Udaletxea	943 76 62 46
Liburutegia	943 76 60 65

BESTELAKOAK

Idolaz	943 78 60 12
Herri ikastetxea	943 76 62 68
Erretiratuen elkarte	943 76 62 71
Abadetxea	943 76 64 16
Anelkar (Kontxi)	943 78 70 65
Taxiak:	
Antonio Fernández	669 15 65 40
Jesus M. Fernández	607 31 85 60

MEZAK

ANTZUOLAKO PARROKIA

Lanegun eta zapatuetan: 19:30
Domeka eta jaiegunetan: 09:00, 11:30

UZARRAGAKO PARROKIA

Domeka eta jaiegunetan: 10:00

OHARRAK

HERRIKO PILOTA TXAPELKETA

Txapelketako lehen fasea bukatuta, bihar, zapatua, goizeko 10:30ean jokatuko dituzte bigarren mailako finalerdiak honako bikoteek: Rodríguez-Aranburu bikoteak San Sebastián eta Iparragirre izango ditu aurrez aurre. Bigarren finalerdian, berriz, Seguro-la-Biteri eta Aranguren-Larrea lehiatuko dira. Lehen mailan, berriz, finala jokatzea besterik ez da geratzen, abenduaren 15ean: Aranburu eta Lizarralde Arbulu eta Mendizabalen aurka arituko dira.

ZORION AGURRAK

Gogora ezazue *Berrigarren* zuen lagun edo senitartekoak zorientzeko aukera daukazuela. Horretarako, gainera, ez duzue Bergaraino etorri beharrik; Antzuolako liburutegira (Eguzki auzoan) eraman ditzakezue argazkiak, astelehen arratsaldetan, 17:00etatik 20:00etara.

BASERRIZBASERRI/ Etxeandi edo Galarditorre



DESAGERTUTAKO BASERRIA XX. mende hasieran desagertu zen Etxeandi, adituen arabera, Pizkunde Garaiko etxe dotorea. Gaur egun konpontzen ari diren Olanan jauregia dagoen tokian zegoen baserri hau, esan bezala, mende honen hasierara arte. Etxeandi izendatu arren, Galardi-Torre edo Zurraderokua bezala ezagunagoa zen, azken izen hau, bertan larruak zabaldu eta tiratzen zirelako. Lehen aipamenak XVI. mendekoak dira, eta Loiolarrak eta Ozaetarrak bizi ziren bertan. XVII. mendean Eguren, Irimo eta Bidaurretarrak bizi izan ziren. Aipatzekoa da San Inazioaren arreba, Madalena izenekoak, bizi izan zela bertan, eta pentsa daiteke, behin baino gehiagotan etorriko zitzaiola anaia bisitan. Olanan konpontzen bukatzen dutenean, Mankomunitateko enpresa ekimenerako beste zentro bat izango da. /AINTZANE IRIZAR/ ITURRIA: IÑIGO RAMIREZ DE OKARIZEN 'ANTZUOLAKO BASERRIAK ETA ERROTAK'

ANTZUOLAKO HIZKERAN

ESAMOLDEA

• TIRUA BOTA

1. Gezurra edo exajerazio bat esatea. *Horrek botatzen jittuk tiruak!*

2. Hizkuntza batean gaizki esaten den horri eta horrek sortzen duen belarriko minari esaten zaio. *Gure mutikuak botatzen ditte tiruak, euskeraz ahaztu egin bihar jaku! Orrek euskeraz ez dau ikisiko sekula formal, gaizki egiten dau, e! Tiro batzuk botatzen ditte!*

ATSOTITZA

• **Baitta tokau be astuai polaiñak, ta txarrixai erlojua.** Pertsona batek merezi ez duen gauza ematen zaionean esaten da; pertsona batek berarekin bat ez datorrena janzten duenean ere erabili ohi da.

HITZAK

• KIKILI-MAKALA

Ondoezik edo ondo ez egotea.
- *Ze moduz zae?*
- *Kikili-makala, ez nabil oso ondo.*

• LANBRO ZIRIÑA

Lanbroari esaten zaio, baina itxia izan beharrean, gutxi denean, xehe-xehea denean. *Lanbro zirintxo bat da, baiña zihero bus-titta etorri naiz.*

Jone Larrañagaren

'Antzuolako hizkera' liburutik

ATREBENTZIA EZ PADA/ Hirugarren Mundura dirua bialdu izan dozu?



JUAN TOMAS EROSTEGI
41 urte

Normalian ez dot emoten, baiña biharrezkua dala ikusten badot, prest egoten naiz dirua emoteko. Ondo ikusten ditut horrelako ekimenak.



KARMELE SUKIA
51 urte

Ez daukat ohitturarik dirua emoteko; bestelako gauzak bai, emon izan ditut Hirugarren Mundurako, jana eta horrelakuk.



MAXIMO FERNÁNDEZ
40 urte

Oin ez daukat ohitturarik, baiña lehen, mezetan beti botatzen neban dirua biharra zeukenei lagun egiteko. Elixiak eskatzen dabenian, emoten dot.



PILI NEIRA
35 urte

Noizian behin laguntzaren bat emoten dot, baiña ez behar beste, batzuetan zalantzak eukitzen ditut eta diru hori iritsiko ete dan.



ANTONIO FERNÁNDEZ
50 urte

Ez daukat bat be ohitturarik dirua emoteko, sekula ez dot bialdu. Gaiñera, planteau be, sekula ez dot horrelakorik planteau.

LEKY-BERRI MERENDEROA

Janariak
eta
edariak

Tf. 943 76 60 94
ANTZUOLA

Juan Cruz
ARGAZKIAK

Herriko plaza 4. ☎ 943 78 70 66. ANTZUOLA

GoROSTi Taberna

943 76 62 96
Zurrategi plaza
ANTZUOLA

ANTZUOLA

Apainketak eta
isolamenduak
Pladurrezko dibisioak

Kalegoi 21 ANTZUOLA
676 997 400
Bildegia: 943 78 70 40